

Telur hættu á að ekki verði hægt að endurnýja samninga

Samtök atvinnulífsins hvetja fyrirtækin til að láta ekki undan þrýstingi

Eftir Helga Bjarnason og Þröst Emilsson

SAMTÖK atvinnulífsins hvöttu í gær aðildarfyrirtæki sín til að láta ekki undan þrýstingi og taka skyndi-ákvæðanir um að greiða launahækkunir í þessum mánuði þrátt fyrir samkomulag við ASÍ um frestun þeirra fram á sumar. Nokkur sjávarútvegsfyrirtæki hafa fylgt í kjölfar HB Granda og boðað að launahækkunin taki strax gildi. Framkvæmdastjóri SA segir að samtökin geti hrakist til að endurnýja ekki kjarasamninga í júní.

Óánægja er í röðum Samtaka atvinnulífsins með þær ákvarðanir fyrirtækja að láta launahækkunirnar



Vilhjálmur Egilsson



Gyli Arnbjörnsson

koma til framkvæmda í þessum mánuði og þrýsting forystumanna verkalýðsfélaga. „Okkur hefur sýnst að það sé með skipulögðum hætti verið að reyna að brjóta niður samningana,“ sagði Vilhjálmur Egilsson, framkvæmdastjóri Samtaka atvinnulífsins. Vilhjálmur nefndi

Í HNOTSKURN

» Framkvæmdastjóri SA og forseti ASÍ hittust í gær til að ræða þá stöðu sem nú er uppi.

» Kjaramálin verða rædd á aukaársfundi ASÍ í dag.

sem það gætu. Afleiðingarnar yrðu aukið atvinnuleysi, verðbólgan minnkaði ekki og vaxtalækkun frestaðist. „Þá væri verið að hrekja okkur út í það að segja samningunum upp, ákveða að framlengja þá ekki,“ sagði Vilhjálmur.

Halda í verðmæti samninga

Gyli Arnbjörnsson tók fram að ekkert bannaði fyrirtækjunum að hækka laun. Hann sagði að forystusveit ASÍ liti á það sem sitt verkefni að halda í þau verðmæti sem fælust í núverandi kjarasamningum, þótt það leiddi til þess að launahækkunir kæmu síðar fram en áður var samið um. Ef sáttin milli ASÍ og SA rofnaði gæti orðið torvelt að ná saman í júní.

BLAÐIÐ MIÐVIKUDAGUR 25. MARS 2009

Þrýstingur á fyrirtæki

NOKKUR sjávarútvegsfyrirtæki hafa fylgt í kjölfar HB Granda og ákveðið að greiða 13.500 króna launahækkun strax til starfsmanna.

Í gærkvöldi höfðu borist upplýsingar um Brim, Norðurströnd á Dalvík, Sæmá á Blönduósi, Sjávaríðjuna á Rífi, Godthaab í Vestmannaeyjum og Hrognavinnslu Vignis G. Jónssonar á Akranesi.

Fram hefur komið að verkalýðsfélög hafa hvatt fyrirtæki sem það geta til að greiða hækkunina. Til dæmis hefur formaður Verkalýðsfélags Akraness haft samband við nokkur fyrirtæki í þeim tilgangi.

Sigurður Viggósson, framkvæmdastjóri Odda á Patreksfirði, sagði að fjölmörg fyrirtæki ættu í vandræðum og þótt eitt og eitt gæti greitt hærri laun gætu forsvarsmenn fyrirtækjanna ekki tekið neina áhættu. Ekkert kæmi í staðinn fyrir sjávarútveginn á Vestfjörðum. helgi@mbl.is